

Vischnaunca politica Andiast

Radunanza communal dils 19 da settember 2014

Presents: Suprastanza communal, Silvia Calzaferri e 11 vischins
Perstgisas: Gian Carlo Albin e Guido Sgier

1. Beinvegni ed elecziun dils dumbravuschs

President communal Sievi Sgier fa in cordial beinvegni tier las fatschentas publicadas. Sco dumbravuschs vegnan Imelda Vincenz e Priska Capaul proponi ed elegi unanimamein. Encunter la giesta da tractandas dat ei neginas objecziuns.

2. Prelecziun ed approbaziun dil protocol dils 13 da zercladur 2014

Il protocol dalla davosa radunanza communal dils 13 da zercladur 2014 vegn prelegius ed approbaus unanimamein.

3. Damonda da credit per la construcziun d'ina stiva d'aua a Tschéss

Il president communal Sievi Sgier orientescha ils presents davart la construcziun d'ina stiva d'aua a Tschéss. Ils cuosts totals ein calculai cun rodund frs. 23'000.00

Votantas e votants approbeschan unanimamein il credit necessari da frs. 23'000.00.

4. Damonda da credit per la construcziun d'ina scala tier l'entrada ost dil santeri

Cunquei ch'il access tier il santeri naven da Capuot cuntentescha buc fa la suprastanza communal la proposta dad erreger ina scala da fier. Tala scala duei vegni construida sper il mir baselgia. A caschun da quella construcziun eis ei aunc previu dad engrondir l'entrada. Ils cuosts totals ein vegnir calculai cun rodund frs. 9'650.40 per la scala da fier incl. tschabergal e frs. 2'763.70 per ils fundaments da betun e per il podest.

Ils presents approbeschan unanimamein il credit necessari da frs. 15'000.00.

5. Damonda da baghegiar sin parcella nr. 378 (Bischof-Schawalder)

Signur Bischof-Schawalder ha inoltrau ina damonda da baghegiar pertuccont la construcziun d'ina scala sper sia casa sin parcella nr. 378 a Vitg. Cunquei ch'il fegl da signur Bischof-Schawalder ei impiedius ei la situazion actuala per contonscher l'entrada memia prigulusa. Cunquei che tala scala survarga la parcella da signur Bischof-Schawalder e pertucca aunc la parcella nr. 480 dalla vischnaunca d'Andiast sto vegnir dau a signur Bischof-Schawalder il dretg da baghegiar sur il cunfin.

Votantas e votants approbeschan unanimamein il dretg da baghegiar sur il cunfin.

6 Varia

Dil tractandum Varia vegn buca fatg diever.

Finiziuun dalla radunanza allas 20:45.

Andiast, ils 19 da settember 2014

Il president:

Sievi Sgier

L'actuara:

Silvia Calzaferri